

Knkawas krpuhan cida

Diyax ckarabi krpuhan cida. Ini krdax ka karac na u, mhiyu siyaw tqiyan ka tama ptutuy hyaan. “ Pidul Pidul tutuy nhari usa trima dqras da. Uxay misu wada rngawan ciwa binaw, mowsa ta tnsamac mi pusa durang ka kusun binaw? ” lnglung uda ciwa ka Pidul u, ma enduwa bay ida nrngaw sa, mawsa tnsamac mi pusa durang ka diyax saya binaw! kiya cida, asi skingal bay lnglungan na ka Pidul rmngaw tama sa “ supu ku isu mawsa ” kiya nhari bay tutuy ka Pidul, nhari trima dqras mi mkan idaw nhapuy mrbuka ka hiya.

Mtngi dow nhari bay mklukus mi mke amikucu dungan. Hindu mklukus mi mkkucu amikucu dow kiya tmawa tama na. Way blayaq bay pusa qqiya ddsun na musa lmiqu ka tama. Niqan waya qnawan turuk, wahur sraki qtinuh qqahan, skkingal na pusa towkan rawa. Kiya hmabuk puting mi mapa towkan rawa ka tama. Lmawa Pidul “ enta da! ” enca rmngaw. Kiya kndaah alang mtutuy mksa musa dwiyaq, ini qbsiyaq do muda mkksa elu tuiring kcka bbyu. Elu hiya u maku dduring bay ddaan, naqah bay dan muda.

Hiya u qiri qiri msstu bay uri. Dhoq duyaq baraw cida, rmngaw ka tama na, “ endaan ta mkksa kana ka duyaq hngali way da. Maku mssi kana ka qaqay mi ttowic bay kana ka hiyi da. Sangay ta tikoh da haw! ” enca ka

tama. Pidul u nhari mangan qsiya sduway na tama, rmngaw sa, “ tama srasi ka mring su mahi cikoh qsiya han ” mqaras bay ka tama mangan qsiya mi asi na mahi nhari. Kiya baka ka sngayan dha do, tuhuy tama na ka Pidul muda mkksa duyaq baraw mi stabuy muda lbu duyaq dungan. Muda ssiyaw duyaq ka tama daan na kmuruy ka daping camac, sndalan na ka elu camac do, kiya psaan na dangar rusan na tikoh dxral, psaan na wasaw sudu dungan. Kla ini qtaay camac ka pnsaan niya.

Mangan durang dungan psaan na ini pntna ppsa ka sraki na. Kiya tama do lwanun na siyaw na ka Pidul, tsaan na hyaan enca pusa ka ssbalay nii. tmsa Pidul cida ka tama na u, blayaq bay embahang mi sluhay ka hiya. Mhdu pusa kana do mkyayung mksa muda miing krarang mi kbolung, kiya sdamac dha kman. Qmita karac ka Pidul ma nisu knhuway mkuung ka karac da enca! Kiya rmngaw tama na ka hiya, enta beywi da, musa ta tkkung da wah! Kiya musa beywi msangay ka dhiya da. Enknii Pidul musa tuhuy tama musa lmiqu smluhay pusa wasing mi tncamac. Ou bay snhlayan na ka Pidul, kiya mqaras bay ka lnglungan na. lnglung ka Pidul knkla pusa wasing nii ida knkla rdrudan.

那年的秋天

那年秋天破曉時分，父親在 Pidū 的床邊叫醒他起床洗臉準備上山狩獵。Pidū 便趕緊穿好衣服和雨鞋等著父親。

父親檢視器具，獸陷的軟鋼繩、藤製的機關插門、扁薄的機關踏板，一個個地放入背網。父親腰間束了腰帶配了彎刀，背上了背網，對 Pidū 說：「走吧！」從部落出發走入野林中，路看起來窄小難走，且是曲曲折折逐漸往高處爬登的小徑。

到達峰頂時，父親說：「剛才一路攀登到了峰巔，腳痠又疲累，就在這休息吧！」休息後再與父親沿著稜線走，再往下一個山峰，父親到處看看獵物的蹤跡，選擇適當的位置妥善埋放陷阱，同時教 Pidū 埋放陷阱。

天漸暗，父親和 Pidū 回到獵寮休息。這次 Pidū 跟父親山上狩獵，學習到山中狩獵與埋放陷阱的各種方法，讓 Pidū 內心無比的愉悅。